

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), na prijedlog Ministarstva za pravosuđe i upravu, Vlada Zeničko-dobojskog kantona, na 19. sjednici, održanoj dana 29.02.2024. godine, d o n o s i

ZAKLJUČAK

I.

Prihvata se Sporazum o međusobnim odnosima u implementaciji kantonalnog Zakona o preuzimanju Zakona o državnoj službi u Federaciji Bosne i Hercegovine u budžetskoj 2024. godini, a čiji prijedlog je u prilogu ovog zaključka.

II.

Daje se saglasnost ministru Ministarstva za pravosuđe i upravu Zeničko-dobojskog kantona za potpisivanje Sporazuma o međusobnim odnosima u implementaciji kantonalnog Zakona o preuzimanju Zakona o državnoj službi u Federaciji Bosne i Hercegovine u budžetskoj 2024. godini.

III.

Zaključak stupa na snagu danom donošenja.

Broj: 02-_____/24
Datum, 29.02.2024. godine
Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo za pravosuđe i upravu,
1x a/a.

Sporazumne strane:

Ministarstvo za pravosuđe i upravu Zeničko-dobojskog kantona sa sjedištem u Zenici, ulica Kučukovići 2, koje zastupa ministar Nebojša Nikolić (u daljem tekstu: davalac sredstava) i

Odbor državne službe za žalbe, sa sjedištem u Sarajevu, ulica Hamdije Čemerlića 2, kojeg zastupa predsjedavajući Odbora Pero Matijević, (u daljem tekstu: korisnik sredstava) zaključuju

S P O R A Z U M

o međusobnim odnosima u implementaciji kantonalnog Zakona o preuzimanju Zakona o državnoj službi u Federaciji Bosne i Hercegovine u budžetskoj 2024. godini

I

Ovim sporazumom se utvrđuju prava i obaveze davaoca i korisnika sredstava u budžetskoj 2024. godini u vezi realizacije poslova iz člana 65. Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije BiH, broj: U-13/16), a u vezi sa članom 1. Zakona o preuzimanju Zakona o državnoj službi u Federaciji Bosne i Hercegovine ("Službene novine Zeničko-dobojskog kantona", broj: 3/12).

II

Obavezuje se korisnik sredstava, da u toku 2024. godine, u drugom stepenu odlučuje o svim žalbama državnih službenika koje se izjave na rješenja rukovodilaca organa državne službe sa područja Zeničko-dobojskog kantona, o žalbama izjavljenim na odluke Disciplinske komisije i žalbama koje se izjave na odluke direktora Agencije za državnu službu Federacije BiH, u skladu sa zakonom, podzakonskim propisima, općim aktima i kolektivnim ugovorom.

III

Davalac sredstava će za navedene poslove u 2024. godini, na račun korisnika sredstava doznačiti sredstva u visini od 15.000,00 KM (petnaest hiljada KM) u jednokratnom iznosu, najkasnije do 05.03.2024. godine. Navedena sredstva biti će utrošena za jačanje materijalnih i ljudskih kapaciteta korisnika sredstava radi blagovremenog i efikasnog obavljanja povjerenih poslova za organe državne službe sa teritorije Zeničko-dobojskog kantona, te radi sufinansiranja sudskih troškova proizašlih iz sudskih sporova gdje su kao tuženi označeni organi državne službe sa teritorije Zeničko-dobojskog kantona i Odbor državne službe za žalbe.

IV

Korisnik sredstava će podnijeti izvještaj davaocu sredstava o utrošenim sredstvima u 2024. godini najkasnije do 31.03.2025. godine, odnosno po usvajanju godišnjeg obračuna, s tim da eventualno neutrošena sredstva po ovom Sporazumu ostaju u rezervama Federacije BiH.

V

Ovaj sporazum stupa na snagu danom potpisivanja.

ZA KORISNIKA SREDSTAVA,
PREDSJEDAVAJUĆI ODBORA
DRŽAVNE SLUŽBE ZA ŽALBE

Pero Matijević

ZA DAVAOCU SREDSTAVA,
MINISTAR PRAVOSUĐA I UPRAVE
ZENIČKO-DOBOJSKOG KANTONA

Nebojša Nikolić

Broj:
Sarajevo,

Broj:
Zenica,